

2005eko ABENDUAREN 30eko BILKURA NAGUSIA

Lizartzan, bi mila eta bosteko abenduaren hogeita hamarreen, goizeko zortziak direnean, Alkatea: Joseba Egibar Artola; Udalkideak: Patxi Ezkiaga Ormazabal, Xabier Arrese Arratibel eta Jose Antonio Imaz Insausti; Idazkaria: Ana Jesus Zabala Garmendia, Biltzar Nagusian bildu dira, gai hauek erabili direlarik:

1.- AURREKO AKTAREN ONARPENA

Alkateak, aurreko saioaren aktari ezer esatekorik badagoen galdetu du, eta inork ezer esatekorik ez duenez, aho batez onartu da.

2.- LANGILEEN HITZARMENA

LEHENENGOA.- 2005eko aurrekontuen ekitaldia ixtear dagoela eta, EUDELen ordezkaturako erakunde guztiak eta erakunde horietako ELA, LAB, CCOO eta UGT sindikatu sinatzaileak PREMIATZEA erakunde bakoitzaren Negoziazio Mahaietako akordioetan jasotako 2005eko ordainsarien hazkundeari buruzko erabakiak berretsi ditzaten, berehala egin daitezzen efektibo eta, beraz, langile guztiei ordain dakizkien ordainsarrietan sortutako diferentziak.

BIGARRENA.- ONARTZEA une honetan aldean jarrerak oso hurbil daudela eta Mahaian presente dauden aldeek gai ugariaren gaineko akordioak errespetatzeko konpromisoa hartu dutela, baina, hala ere, atal batzuek oraindik ere hausnarketa eta azterketa handiagoa eskatzen dutela, akordio bateratuko behin betiko formula bat aurkitzeko.

HIRUGARRENA.- Adeen arteko konpromisoa EZARTEA: 2006ko martxoaren 1a baino lehen, EUSKADIKO TOKIKO ERAKUNDEETAN LAN HARREMANEI BURUZKO MARKO GLOBALAREN

GAINEKO AKORDIOA lortzea. Akordio horrek hiru dokumentu izango ditu:

- .- Marko Globalaren gaineko Akordioaren gai nagusiak arautiko dituen Akordioen Protokolo bat, tartean dela Akordioak interpretatzeko sistema bat eta bitartekaritza eta arbitraje sistema bat, aplikazioan sor daitezkeen desberdintasunetarako.
- .- Funtzionarioak arautzeko test oso bat, "Euskadiko Tokiko Erakundeetako Funtzionarioen Lan Baldintza Arautzeko Akordio Tipoa" izenburupean. Berau aplikatzeko eta baliagarria zein eraginkorra izateko, negoziazioa bideratu beharko da Erakunde bakoitzean legez ezarritako organo kolektiboan, eta, horren ondoren, dagokion gobernu organoak berariaz eta formalki onartu beharko du hori.
- .- Eta Tokiko Euskal Erakundeetako langileei aplika daitezkeen Hitzarmen Kolektiboaren testua.

LAUGARRENA.- Hauxe da aplikatu beharreko edukien gaineko akordioa:

1.- DENBORAREN ESPARRUA

Akordio hau 2005, 2006 eta 2007 urteetan egongo da indarrean 2005. urterako ordainsariei buruzko xedapenak baino ez dira aplikatuko.

2.- LANGILEEN ESPARRUA

Akordio honen esparru funtzionala Euskal Autonomia Erkidegoko tokiko erakundeetako langileak dira: funtzionarioak edota lan kontratupekoak, finkoak edota aldi baterakoak.

Akordioa sinatzean Euskadiko Tokiko Erakundeetan indarrean dauden Akordio, Itun edo Hitzarmenak errespetatuko dira, baina horrek ez dio kalterik egingo sinatzaileek bertara sartzeko erabakiari, halakorik balego.

Edozelan ere, akordio horietako edukiek ez diete kalterik egingo aurreko negoziazioetan hartutako eskubideei.

3.- LANALDIA

Langile guztien urteko lanaldiak, gehienez, 1.590 ordu izango ditu.

4.- ORDAINSARI ERREGIMENA

2005 urtea.-

Erabaki da 2005. urteko ordainsariak %20 igoko direla, 2004ko ordainsari globalekiko. Eta hori, bai oinarrizko ordainsarrietan zein osagarrietan. Gainera, 2005erako urteko ordainsariak %20ko hazkunde osoa izango dute, langile bakoitzaren lanpostu mailaren osagarri gisa, ezohiko ordainketa birekin. Bestetik, modernizazioari, zerbitzu publikoen prestazioaren arrazionalizazioari eta Erakundearen administrazioaren produktibitatearen hobekuntzari dagokion fondoa ere modu gehigarrian handituko da. Kopuru hori eta iaptutako hiru kontzeptuengatiko hazkundearen masa gehituta, 2004ko oinarrizko ordainsarien eta ordainsari osagarrien soldata-masaren %4,1en kopuru baliokidea lortu behar da. 2005eko urtarrilaren 1etik atzeraeraginezko izaerarekin eta, halakorik balitz, konturako hazkundeak kenduta.

2006 eta 2007 urteak.

2006rako, kontzeptu guztiengatiko ordainsarien hazkundera, barne dela modernizazioari, zerbitzu publikoen prestazioaren arrazionalizazioari eta administrazioaren produktioaren hobekuntzari dagokion fondoa, 2005eko ordainsari globalen soldata masaren %4,1ekoa izango da. 2007rako, kontzeptu guztiengatiko ordainsarien hazkundera, barne dela modernizazioari, zerbitzu

publikoen prestazioaren arrazionalizazioari eta administrazioaren produkzioaren hobekuntzari dagokion fondoa, 2006ko ordainketa globalen soldata masaren %4,0koa izango da.

5.- EROSKETA AHALMENA MANTENTZEA

Tokiko erakundeek 2006 eta 2007 an erosketa ahalmena mantenduko dela bermatuko dute.

Horrela, 2006rako, 2005eko estatuko kontsumo-prezioen indizeak (KPI) KPI/2004ren portzentzajea gaindituko balu, protzentaje horren aineko hazkundetik sortutako kopurua produktibitatearen kontzeptua ordaintzeko poltsara pasatuko da.

Akordio honen denbora esparrua kontuan izanda, 2007an formula bera errepikatuko litzateke, 2006k KPI 2005erako erzarritako portzentajea baino altuagoa izango balitz.

6.- OROKORRAK EZ DIREN ORDAINKETA EKINTZAK

Kontratu hau indarrean dagoen bitartean, tokiko erakundeek dagokien neurriak hartuko dituzte, tokiko erakunde bakoitzean dauden gutxieneko mailen ordainketetako egokitzapenak aztertzeko.

7.- ORDU ESTRAK

Ohiko lanalditik kanpo egin beharreko orduak ezinbesteko minimora murriztuko dira, zoritxarrak edo komunitatearentzat larriak izan diren kalteak prebenitzeko edo konpontzeko orduak izan ezik. Ohiko lanalditik kanpo egindako orduak atsedean ordutan konpentsatuko dira, zerbitzuaren beharrianak direla-eta hori posible ez denean izan ezik.

8.- ZERBITZU PUBLIKOAK MANTENDU ETA HOBETZEA

Tokiko erakundeek kontratazioak mugatzeko konpromisoa hartu dute, bereziki euren jarduerako gaien gaineko kontratazioak direnean. Beraz, zerbitzu osagarrietatik bereizten dira.

Tokiko erakundeek egiten dituzten kontratu publikoen klausula administratiboen baldintzetan argi jasoko da Lan Arriskuak Prebenitzeko Legea betetzeko bermea, enpresa azpikontratistekiko.

Zerbitzu beraren gaineko kontratu publikoen bata bestearen osteko esleipenetan, eta plantileen egonkortasuna ahalbidetzeko, enpresa esleipendunek dauden langileen subrogazioa bermatuko dute esleipen bakoitzaren unean –sektoreko hitzarmenek diotenetik aparte-; horretarako, subrogazio klausula sartuko da izapidetzen diren espediente berrien baldintzen orrietan, gardentasunaren eta fede onaren baldintzak betez.

Era berean, tokiko erakundeek ondorio hauek jarriko dituzte martxan:

Orokorrean:

- Zerbitzu propioen kanpoko kontratazioak mugatzea.
- Enpresa kontratisten azpikontratisten portzentajeak kontrolatzea, azpikontratistekiko.
- Legezko araudia beteko dela zaintzea.
- Kontrata eta azpikontratetako langileen eskubide kolektiboak eta sektoreko hitzarmenetan ezarritako ordainketak bermatzea.
- Besteak beste, Lan Arriskuak, Prebenitzeko Legearen betearazpenari buruzko edo enpresa kontratistek langileen subrogazioa egiteari buruzko kontratu publikoen orri-baldintzetan jasotako klausula administratiboak betetzen direla zaintzea.

Zehazki:

- Tokiko erakundeek zuzenean egiturazko enplegua ekar ditzaketen zerbitzuen kontratazioa berrikusiko dute, eta, hala beharko balitz, dagozkion neurriak hartuko dituzte.
- Hala beharko balitz, aipatutako erakundeek egindako laneratze kontratuek tokiko erakunde bakoitzeko gutxieneko mailari dagozkion gutxieneko ordainektak izango dituzte.
- Udal sozietate publikoetako langileen azpikontratazioa mugatzea, eta, bide batez, langile horiek, aldika zein moduegonkorrean, erreferentziako erakundeetako lokal eta egoitzetan lan egitea saihestea.
- Ez da udal instituzio publikoetako langilerik jarriko erreferentziako udal erakundeen ohiko lanak egiteko.
- Horretarako, ordezkaritza sozialari eskitaldien egutegi bat aurkeztuko zaio, lehen aipatutako neurriak abian jartzeko. Alde sinatzaileek neurri horiek aztertu eta adostuko dituzte.

9.- ENPLEGUA SORTZEKO NEURRIAK

Izaera Orokorrarekin:

- Enpreguaren ekongokortasuna hobetzea, enpleguari eustea eta langile berriak kontratatzea helburu izanik, aldeek adostu dute 65 urte langile publikoen derrigorrezko erretiroa formalizatuko dela, lan kontratuaren iraungipenak eragindako langileek beteta badute gutxieneko kotizazio aldia eta Gizarte Segurantzaren legediak eskatzen dituen gainontzeko baldintzak betetzen baditu, erretiro pentsioaren eskubidea izateko ordainketaren modalitatean.
- Enpleguaren egonkortasuna eta behin-behinekotasunaren kontrola.
- Tokiko instituzioetan eta udal enpresetan, termino homogeenetan, honako gehienezko portzentajea ez gainditzeko konpromisoa. %6 funtzionario izaerako langileetan, bitartetako langile estatutarioetan edo egiturazko lanpostuetako aldi baterako langileetan. Portzentaje horren graduazioa aztertuko da, erakundearen tamainaren arabera eta, tamaina txikikoetan, bitartekotasunaren arazoien arabera. Konpromiso hori lan

eskaintza publikoak sortuz eta, besteak beste, egiturazko lanpostuetan aldi baterako langileak langile finkoekin ordezkatzuz bermatuko da.

- Akordio hau sinatu duten tokiko instituzioek eta euren udal erakundeek konpromisoa hartu dute Akordio hau sinatzen denetik 3urteko epean Enplegu Publikoko dagozkion Eskaintzen deialdia egingo dutela, gehienezko portzentaje hori lortzeko.

Sariak Erretiro Aurreratuagatik:

Sariaren zenbatekoa eskala honen arabera kalkulatu da, beti ere, urteko ordainsari gordin osoak erreferentzia hartuta, eta ordainsari hori proportzionalki hileka –urtetik urtera- zatituz.

60tik 61 urtera	21
61etik 62ra	17
62tik 63ra	12
63tik 64ra	9
64tik 65era	6

10.- LANEKO JAZARPENA ETA GENERO INDARKERIA

Laneko jazarpenaren eta genero indarkeriaren aurkako babes-neurriak hartuko dira.

11.- GIZARTE-ARLOKO HOBEKUNTZAK

Bizitza Asegurua:

Heriotza eta erabateko ezintasun absolututagatik aseguratutako kapitala berrogei mila (40.000,00) €-koa izango da. Neurri honek onartzen denetik izango ditu ondorioak.

Gizarte-Erantzukizuna:

Langileen babes eta defentsa juridikoa, lanpostuaren funtzioak zuzen betetzearen ondorioz.

Lizentziak eta Baimenak:

Bi eguneko lizentzia bat egongo da gai pertsonaletarako, eta egun horiek urteko ordu-kopurutik kendu ahal izango dira. Era berean, beste bi egun ere izango dira, baina hauek errekuperatu egin beharko dira.

Aurreko ataletan, bai eta famili eta lan bizitzaren kontziliazioan eta osasun eta laneko arriskuen prebentzioan ere, beste neurri batzuk adostuko dira Bizkaiko Aldundian lortutako akordioaren inguruan.

12.- HIZKUNTZA ESKUBIDEAK

Instituzioen zerbitzura dauden langileek euskara jakin eta erabil dezaten hartutako konpromisoa jasoko da. Konpromiso hori Euskadiko tokiko instituzioek hartu dute.

13.- ESKUBIDE SINDIKALAK

Orain arte ARCEPAFEn indarrean izan den ordu sindikalen kopuruari eutsiko zaio, banaketa irizpideak antolatu eta sistematizatuz, datuen babesari buruzko legearekin bat etorriz.

14.- AZKEN GAIA

Alderdiek uste dute akordio honen edukiak esparru pertsonalean aintzat hartutako tokiko instituzioei igorri behar zaizkiela era homogean; dena dela, hala eskatzen duten toki esparruetan negoziatio mahaiak ireki ahal izango dira, instituzio bakoitzaren errealitate espezifikoari dagozkion gaiak negoziatzeko, eta, beti ere, markoaren barruan eta akordio orokorrarekin kontraesanean erori gabe, akordio orokorraren aurreko baldintza onuragarriagoen kasuan izan ezik.

Euskadiko Tokiko Erakundeen Negoziazio Mahaiaren Akordioa, aztertu eta eztabaidatu ondoren, aho batez onartua izan da.

3.- AURREKONTUAREN KREDITU ALDAKETA 2-2005

Lizartzako Udal honen 2005eko Aurrekontuaren barnean Kreditu-Gaikuntzen erregimenaren bidez izapidetzen den Kreditu-Aldaketarako espedientearen berri eman ondoren.

Idazkari-Kontuhartzaileak jaulkitako txostena irakurri ondoren, zeinak adierazten baitu aipatutako espedientea aplikagarria zaion indarreko araudiari egokitzen zaiola eta, hortaz, bere aldeko txostena ematen baitu.

Onespena proposamena formulatzen duen Ogasun Batzordeak emandako aldeko irizpena irakurririk.

ERABAKI DA:

- 1.- Kreditu-Gaikuntzen erregimenaren bidez egin beharreko Kreditu-Aldaketarako espedientea onestea, 351.309,64 €-tako zenbatekoaz, espedientearekin batera jasotako egoera-orriskari ageri den kontzeptu eta partiden xehekapen berarekin.
- 2.- Egintza hau bestelako tramiterik gabe irrimo eta exekutiboa denez gero, bidezkoa da onetsitako Kreditu-Aldaketa Fondoaren Kontuhartzailatza Zerbitzuek Kontabilitatean berehalako ondorioekin isla dezaten.

4.- 2006 URTERAKO AURREKONTU OROKORRA

Ekonomi Batzordean aztertuz gero eta, Hazienda Lokalak erregulatzen dituen Abenduaren 28ko 39/1988 Legearen 149-4 artikulua eta Erregimen Lokaleko Oinarriak Arautzeko Apirilaren 2ko 7/1985 Legearen 90.1 artikulua eta Erregimen Lokaleko gaitan Apirilaren 18ko 781/1986 Erret Dekretu Legearen

126.1 artikuluen arabera, 2006 urterako Aurrekontu Orokorra aurkeztu da, honela geldituaz:

SARREREN EGOERA

Kapitulua	Izena	Euroak
1	Zuzeneko Zergak	75.464,04
2	Zeharkako Zergak	5.000,00
3	Tasak eta Bestelako Zergak	42.436,43
4	Transferentzi Arruntak	401.723,62
5	Ondare Sarrerak	1.900,00
7	Kapital Transferentziak	116.475,91
SARRERAK GUZTIRA		643.000,00

GASTUEN EGOERA

Kapitulua	Izena	Euroak
1	Pertsonal Gastuak	218.400,52
2	Gastuak Ondasun Arrunt eta Zerbitzuet	191.724,16
3	Finantza Gastuak	6.925,79
4	Transferentzi Arruntak	81.817,27
6	Inbertsioak	130.104,99
9	Pasibo Finantzarioak	14.027,27
IRTEERAK GUZTIRA		643.000,00

2006 urterako Aurrekontu Orokorra eta bera Egitaratzeko Oinarriak, aho batez onartuak izan dira.

LANGILEEN ZERRENDA ETA PLANTILLA ORGANIKOA KARRERAKO FUNTZIONARIENTZAT GORDETAKO LANPOSTUAK

IZENA	Lanp. Kop.	T.6/89 L. 43. Art.	Egoera	Ohar.
IZAERA NAZIONALEKO FUNTZIONARIAK				
Idazkari-Kontuhartzailetzaren Azpimaila IDAZKARI-KONTUHARTZAILEA	1	B	J	70%
ADMINISTRAZIO OROKORRAREN MAILA				
Laguntzaileen Azpimaila ADMINISTRAZIO OROKORREKO LAGUNTZAILEA	1	D	J	
ADMINISTRAZIO BEREZIAREN MAILA				
Azpimaila Teknikoa * Mota: Erdiko Teknikariak GIZARTE LAGUNTZAILEA	1	B	Exzedent.	36%
Administratiboa * Mota: Laguntzailea LIBURUTEGIKO LAGUNTZAILEA	1	D	J	40%
Zerbitzu Bereziak *Mota: Ofizioetako Pertsonala ZERBITZU ANITZETARAKO OFIZIALA GARBITZAILEA	1 1	D E	J J	

**BEHIN-BEHINEKO LAN PERTSONALARI ERRESERBATUTAKO
LANPOSTUAK**

IZENA	Lanp. Kop.	T.6/89 L. 43. Art.	Egoera	Ohar.
ADMINISTRAZIO BEREZIAREN MAILA Azpimaila Teknikoa GIZARTE LAGUNTZAILEA	1	B	BB	%36
ADMINISTRAZIO BEREZIAREN MAILA Zerbitzu Bereziak ETXEZ ETXEKO LAGUNTZAILEA	1	E	BB	%42

**2006rako LANPOSTUEN ZERRENDA
KARRERAKO FUNTZIONARIOEI ERRESERBATUTAKO LANPOSTUAK**

Lanp. Izena	Eskala	Azpi eskala	Titulazioa	S. P	Dedik azioa	Talde a	Mail a	Osag. Espez.	H. E	Derr. Data	Egoer a	Best.
IDAZKARI- KONTUHARTZAILEA	Administ Orokor.	F.H.N	Zientziak edo Zuzen. Diplom.	C	%70 Berez	B	23	15.917,01	4	91-02- 06	Aktib.	Agrup
ADMINISTRARI LAGUNTZAILEA	Administ Orokor	LAGUN TZAIL	Eskola Graduatua edo LH1	C	%100 Berez	D	14	15.058,84	3	91-02- 06	Aktib.	Funtz.
GIZARTE LAGUNTZAILEA	Administ Berezia	TEKN	Diploma duna	C	%36 Berez	B	17	-----	3	91-12- 01	Exzed	Funtz.
LANETAKO OFIZIALA	Administ Berezia	ZERB. BEREZ	Eskola Graduatua edo LH1	C	%100 Berez	D	16	15.417,08	2	91-02- 06	Aktib.	Funtz.
LIBURUTEGIKO LAGUNTZAILEA	Administ Orokor	LAGUN TZAIL	Eskola Graduatua edo LH1	C	%40 Berez	D	13	4.989,56	3	96-04- 01	Aktib.	Funtz.
GARBITZAILEA	Administ Berezia	ZERB. BEREZ	Eskola Ziurtagiria	C	%100 Berez	E	8	6.451,33	2	92-05- 01	Aktib.	Funtz.

BEHIN-BEHINEKO LAN PERTSONALARI ERRESERBATUTAKO LANPOSTUAK

Lanp. Izena	Eskala	Azpi eskala	Titulazioa	S.P	Dedikazioa	Taldea	Maila	Osag. Espez.	H.E	Derr. Data	Egoera	Best.
GIZARTE LAGUNTZAILEA	Administ Berezia	TEKN	Diplomaduna	C	%36 Berez	B	13	Ez	3	91-12-01	Aktib	BB
ETXEZ ETXEKO LAGUNTZAILEA	Administ Berezia	ZERB. BEREZ	Eskola Ziurtagiria	C	%42 Berez.	E	6	Ez	2	91-02-06	Aktib.	BB

5.- ETXEZ ETXEKO LAGUNTZA ZERBITZUAREN ARAUDIA

Lizartzako Udalak, 2005eko urriaren 10ean ospatutako Ohiko Udalbatzarrean, etxez etxe laguntza zerbitzua arautzeko erregelamendua arautuko duen Ordenantzari hasierako onespina ematea erabaki zuen.

Ondoren, Gipuzkoako Foru Aldundiarekin sinatutako hitzarmenaren arabera, araudiak aldatu egin direnez, Aldundiak proposatu duen Etxeko Laguntza Zerbitzua Udal Araudia onartzea proposatu da, eta literalki honela dio:

ETXEKO LAGUNTZA ZERBITZUAREN UDAL ARAUDIA
--

ZIOEN AZALPENA

Bizi itzaropena handitzeak nahiz gure gizartearen adin piramidea aldatzeak berekin ekarri duten adineko pertsonen hazkunde demografikoa – hazkunde erlatiboa eta garbia–, familia harremanak babes agente gisa izan duten aldaketa edota gizarte zerbitzuen garapena, besteak beste, eragin handia duten faktoreak ditugu bizitza bete bat bermatzeko –baita besteren behar maila handia denean edo gizarte babesa falta denean ere– behar diren zerbitzuak zehazteko orduan.

Adineko pertsonak behin eta berriro adierazi dute ahalik eta denbora gehien egon nahi dutela beren etxean, beren bizialdi guztian izan duten gizarte sare erreferentziazko hori galdu gabe, eta, horrek, jakina, lehenasuna du pertsona horiei beren mendekotasunak aurrera egin ahala eman behar zaizkien zerbitzuak aintzakotzat hartu eta zehazteko garaian. Horrezaz gainera, ordea, badira beste alderdi asko ere (etxe ingurua, jobideak, komunitatean diren laguntza zerbitzuak eta abar) nahitaez kontuan izan behar direnak, besteen beharra duen edo ezintasunen bat duen pertsonak bere bizimodua egiteko dituen aukerak mugatu edo baldintzatzen dituztenak.

Horrela, eguneroko bizimodua samurrago egiteko babes eta laguntza zerbitzu edo elementuak jartzea goiti-beheiti, nahitaezkoa da zerbitzu oso bat izatea, besteen beharra duenari edo ezintasunen bat duenari bere etxean eta komunitatean kasu egiteko zerbitzu nagusi bat, behar mota askotara egokitzeke eta zerbitzua ordu edo zatika ere emateko modukoa eta, era berean, larrialdiei erantzutea bere gain hartzeko eta zerbitzu beharren aldaketei arin erantzuteko gauza izango dena. Alde horretatik, bada, etxeko laguntza oinarritzko zerbitzua da sistema horretan.

Hala, zerbitzua jaso behar dutenek dituzten beharren arabera guztiek aukera berberak izatea bermatu behar du administrazio publikoak, eta baita zerbitzua jasotzen dutenek zer ekarpen egin behar duten zehaztu ere, zerbitzua jaso behar dutenek dituzten diru-sarreraren arabera. Era berean, zerbitzuaren eta zerbitzua izateko eskubideen esparru argi bat eskaini behar die herritarrei ere. Araudi hauxe da hori guztia jaso nahi duen dokumentua, zerbitzua zehazten duten puntu argi eta baliagarri batzuk eskaintzen dituen eta zerbitzua jaso behar duenari dituen eskubideak eta betebeharrak ulertzen laguntzen diona.

Nolanahi ere, etxeko laguntza zerbitzuaren araudi honekin ez da agortuko Udalak pertsonari kasu egiteko beste zerbitzu batzuk jartzeko biderik, baldin eta beste zerbitzu horiek pertsonak eta haien beharrak doitzeko bide berritzaileak badira, –nahiz metodologiaren alderditik, nahiz finantzabidearen alderditik eta nahiz zerbitzua jasotzen duen pertsonak hornidura modulatzeko

orduan parte aktiboa hartzearen alderditik-, eta beti ere dagokion organo aginpidedunaren oniritzia badute.

LEHEN TITULUA

1. artikulua.- Xedea

Araudi honen helburua da LIZARTZAn etxeko laguntza zerbitzua arautzea.

2. artikulua. Aplikazio eremua

Arautzen den zerbitzua LIZARTZAn emango da, udalak gizarte zerbitzuetan dituen eskumenen eta adineko ezinduei zerbitzua emateko Gipuzkoako Foru Aldundiarekin izenpetutako akordioen baitan.

3. artikulua.- Etxeko laguntza zerbitzuaren definizioa.

Etxeko laguntza zerbitzua zerbitzu publiko soziala da, beren kasa baliatzeko edo familiaren nukleoari osorik eusteko arazoak dituztenentzako dena eta ongizate fisiko, psikiko eta/edo soziala bere onera ekartzeko helburua duena, bakoitzari bere prebentzio, asistentzia eta/edo birgaitze programa aplikatuta, ahal den bitartean norberaren etxean bizitzen laguntzeko.

4. artikulua. Etxeko zerbitzuen helburuak.

Hona hemen zerbitzuen helburuak:

- Autonomia galtzeari aurrea hartzea eta/edo autonomia galtzea konpentsatzea. Horretarako, eguneroko jarduerak eta/edo etxeko

ingurunea bizitzeko baldintza egokietan mantentzeko jarduerak egingo dira.

- Arretarako sare naturala osatzen duten zaintzaileei laguntza ematea.
- Erabiltzaileak beren komunitatean integra daitezen bultzatzea eta bakartze egoerak saihestea.
- Bizikidetzaren giroa hobetzea. Horretarako, arriskuren bat sor dezaketen egoerak saihesteko esku hartuko da.
- Beste zerbitzu batzuen esku-hartzea eska dezakeen beharren bat sortzen denean, behar horiek antzemateko elementutzat jardutea.
- Pertsonak bere etxean bizitzen jarrai dezan erraztea.

5. artikulua.- Printzipio orokorrak

Zerbitzu hauek honako printzipio orokor hauen arabera emango dira:

- Normalizazio eta integrazio printzipioa: zerbitzua erabiltzaileen etxearen, familiaren, gizartearen eta kulturaren ingurunean emango da, ahal den neurrian lehendik dauden baliabide normalizatuak erabiliz.
- Autonomia printzipioa: ahal den gehien bultzatu behar da erabiltzailearen autonomia.
- Parte hartze printzipioa: arretarako plana egitean, pertsonak parte har dezan bultzatu behar da.
- Orokortasun printzipioa: ematen den arretak integrala izan behar du. Era askotako laguntzak eman behar dira, erabiltzaileek duten era askotako beharrak betetzeko.
- Profesionalizazio printzipioa: zerbitzuko arduradunek nahiz arreta zuzeneko langileek dagokien prestakuntza teknikoa izan behar dute.
- Banakakotze printzipioa: zerbitzuaren erabiltzaileei alde aurreko balorazioa egingo zaie. Balorazio hori banakako arretarako plan batekin amaituko da, eta plana haien beharrei egokituko zaie.

- Osagarritasun printzipioa: laguntza hau beste gizarte laguntza batzuekin batera eman ahal izango da.
- Prebentzio printzipioa: Prebentzioa kontuan izan behar du zerbitzuak. Izan ere, erabiltzaileak okerrera egitea eta horren ondorioz datorren instituzionalizazioa saihestuko dira.

BIGARREN TITULUA. ETXEKO LAGUNTZA ZERBITZUA

I. KAPITULUA.- ZERBITZUKO ETA ZERBITZUZ KANPOKO JARDUERAK ETA HAIEN EZAUGARRIAK

6. artikulua.- Zerbitzuko eta zerbitzuz kanpoko jarduerak

Etxeko laguntzatzat ulertuko da erabiltzailearen etxean etxeko lanak egitea, erabiltzailea zaintzea, eta laguntza ematea gizartearen eta komunitatearen aldetik, etxeko bizi kalitatea hobetzeko.

6.1.- Zehazki, zerbitzuko jardueratzat joko dira honako hauek:

- 1) Etxeko laguntzako jarduerak:
 - a) Elikadurarekin lotura dutenak:
 - Janaria prestatzen laguntzea
 - Janaria erostea
 - b) Jantziekin lotura dutenak:
 - Etxean arropa garbitzen laguntzea
 - Arropa pasaratzea
 - Arropa ordenatzea
 - Etxean arropa lisatzea

- Arropa erosten laguntzea

c) Etxebizitza mantentzearekin lotura dutenak:

- Garbiketa orokor handiak izan ezik, etxebizitza garbitzea eta mantentzea
- Ohea egitea
- Etxean egin behar diren ohiz kanpoko garbiketak egitea
- Jabekideen komunitatearenak diren tokiak garbitzea.

2) Laguntza pertsonaleko jarduerak

Honako hauek hartuko dira eguneroko bizitzako laguntza pertsonaleko jardueratzat:

- Garbiketa eta higiene pertsonalak (barruan sartzen da pertsonaren jantziak eta oheko arropa aldatzea)
- Ohetik jaikitzeke, oheratzeko eta eserlekutik altxatzeko laguntza ematea
- Janzten eta jaten laguntzea
- Medikuak adierazitako ahoz hartzeko botikak kontrolatzea eta botiken segimendua egitea
- Etxean mugitzeko laguntza ematea
- Etxetik kanpo lagun egitea izapide pertsonaletan: bankuan, osasun arloan, errekurtsoak izapidetzen, dokumentazioa eskatzen eta ematen.
- Etxe ingurunean egin beharreko joan-etorrietan laguntzea: haurtzaindegietara, ikastetxeetara egin beharreko joan-etorrietan laguntzea, gizarte zerbitzu espezializatuen garraioak hartzen laguntzea.

3) Beste jarduera osagarri edo berezi batzuk

Egoera berezietan, zerbitzuaren helburuak lortzeko nahitaezkoztat jotzen diren beste ekintza batzuk egin daitezke:

- Zerbitzu normalizatua ezarri baino lehen, higie arazo larriak dituzten etxeetan garbiketa orokorrak egitea.
- Higie eta osasungarritasun arazo larriak dituzten etxeak hustea eta garbitzea, betiere osasun agintaritzarekin lankidetzan arituta.
- Beste zerbitzu batzuk, baldin eta Gizarte Ongizateko Udal Zuzendaritzak/Agintaritzak edota udaleko gizarte zerbitzuek berariaz baimendutakoak badira.

6.2.- Zerbitzutik kanpo honako jarduera hauek geratzen dira:

- Lagun egiteko eta paseatzera joateko zerbitzua
- Etxe berean bizi diren familiako kideei edo adiskideei arreta zuzena ematea, baldin udal zerbitzu teknikoek aburuz zerbitzuaren erabiltzaile ez badira.
- Etxean bizi diren gainerako pertsonen zuzenean mesede egiten dieten etxeko lanetan laguntzea.
- Osasun arloko jarduerak, jarduera horiek egiteko berariazko prestakuntza behar bada (injekzioak ipintzea, tentsioa hartzea, zundak erabiltzea, ultzerak eta eskarak tratatzea, eta ezagutza espezializatuak eskatzen dituzten zenbait botika ematea).
- Etxean konponketa garrantzitsuak egitea (pintatzea, papera ipintzea).
- Lehen atalean zehaztu ez diren garbiketa lanak egitea.
- Udaleko zerbitzu teknikoek prestatutako txostenean aurreikusten ez diren zeregin guztiak.

7. artikulua.- Etxeko laguntza zerbitzuaren ezaugarriak.

Etxeko laguntza zerbitzua onuradunen etxe partikularretan, propioetan edo onuradunen familiakoenetan, emango da, LIZARTZAko udalerriaren barruan.

Onuraduna familiako kideen etxeetan txandakatuta bizi bada, zerbitzua etxe batean baino gehiagotan eman ahal izango da, baldin etxea LIZARTZAko udalerrian badago, araudi honetako 8. artikuluan aurreikusitako baldintzen arabera.

1) Arretarako egunak

- Oro har, zerbitzua urte osoan emango da astelehenetik ostiralera bitartean.
- Izaera mugatuarekin, zerbitzua asteburuetan eta jaiegunetan eskaini ahal izango zaie, balorazio teknikoaren arabera familiako laguntzarik edo gizarte laguntzarik ez duten pertsoneri, bai eta beren egoeratik arriskuan egon daitezkeenei nahiz hirugarren batzuk arriskuan jar ditzaketenei ere. Eusko Jaurlaritzak ofizialki jaieguntzat onartutakoak joko dira jaiegun.

2) Zerbitzuaren iraupena

Pertsona bakoitzaren beharren azterketa eginda jarriko da zerbitzuaren iraupena. Zerbitzuaren gehieneko iraupena egunean hiru ordukoa izango da, hau da 15 ordu astean. Dena dela, artikulua honetako lehenbiziko puntuko bigarren paragrafoan adierazitako kasu berezietan, zerbitzuaren asteko gehieneko iraupena 18 edo 21 ordukoa izan daiteke.

15 minutukoak baino motzagoak ez diren zatitan zatituko da ordutegia.

Erabiltzaile bakoitzak izango duen zerbitzuaren iraupena lehen xedapen gehigarrian adierazitakoaren arabera erabakiko da.

3) Arreta orduak

Zerbitzuaren ordutegia malgua eta egunekoa da, 7:00etatik 22:00etara bitartekoa, hain zuzen.

- Laguntza pertsonaleko zerbitzuetan, udal teknikariak ezarriko du ordutegia, eskatzailearen ordutegietako ohiturak eta beharrak kontuan hartuta.
- Gainerako laguntza zerbitzuetan, udal teknikariak ezarriko du ordutegia, zerbitzua eskaintzen duen erakundearekin batera. Zerbitzua ematen duen langileak duen ordutegiaren arabera antolatuko da arreta emateko ordutegia.

II. KAPITULUA.- ERABILTZAILEAK

8. artikulua. Erabiltzaileak zehaztea: sartzeko baldintza orokorrak

A) Erabiltzaileak zehaztea.

- 1.- Etxeko laguntza zerbitzua pertsona autonomoei zuzenduta dago udal eskumenen indarrez, eta pertsona ezinduei Gipuzkoako Foru Aldundiarekin hartutako akordioen indarrez.
- 2.- Oro har, hona hemen zerbitzuaren erabiltzaileen profila: autonomia galtzearen ondorioz, beren etxean bizitzen jarraitu ahal izateko, oinarrizko etxeko lanak egiten laguntza behar dutenak, bai aldi baterako laguntza bai laguntza iraunkorra.

3. - Zehazki, etxeko laguntza zerbitzuaren erabiltzaileak honako hauek dira:

- Autonomia pertsonalerako zailtasunak dituzten 60 urtetik gorako pertsonak.
- Autonomia pertsonalerako zailtasunak dituzten ezgaitasunak nahiz elbarritasunak dituzten pertsonak.
- Beren familiek zaindu ezin dituzten eta behar duten arreta eman ezin dieten adingabeak.
- Honako familia talde edo pertsona hauek: zama gehiegi dutenak; harreman gatazkatsuak dituztenak; gizarte egoera ezegonkorrak dituztenak; eta/edo gaixotasun fisikoen eta/edo psikikoen ondorioz arazoak dituztenak.

Eskaera pertsona multzo batentzat egiten denean, multzo horretako kide guztiek bete beharko dituzte eskatutako baldintzak. Nolanahi ere, onuradun guztiak ordeztu dituen zerbitzuaren titularra izendatu behar da. Titular hori hiltzen bada, egoitzara bizitzera joaten bada edota beste etxe batera joaten bada, etxekoen unitateko beste pertsona batek ordeztu ahal izango du.

Titulartasuna aldatzen denean, berriz ere balioztatuko dira beharrak, familiaren eta gizartearen aldetiko egoera nahiz egoera ekonomikoa.

B) Sartzeko baldintza orokorrak.

Lehen esandako talde horietako batekoa izateaz gainera, LIZARTZAn erroldatuta ere egon behar du eskatzaileak, eskaera egin baino urtebete lehenagotik.

Baldintza hori bete ez arren, norbaitek honako hiru baldintzetako bat betetzen badu, aukera izango du zerbitzua eskuratzeko:

1. Familia biltzeko bizitokiz aldatu, eta LIZARTZARA joandako pertsona izatea, eta pertsona horrek jatorriko udalerrian etxeko laguntza jaso izana ordura arte. Eskaera egitean LIZARTZAN erroldatu beharko du. Era berean, jatorriko udalerriko gizarte zerbitzuen ziurtagiria aurkeztu beharko du, etxeko laguntza jaso duela egiaztatuz.
2. Familiako laguntza jasotzearen, hainbat udalerritako etxeetan txandaka bizi den pertsona izatea. Horrez gain, erroldatuta dagoen udalerrian etxeko laguntza zerbitzuaren onuradun izatea. Jatorriko udalerriko gizarte zerbitzuen ziurtagiria aurkeztu beharko du, etxeko laguntza jasotzen duela egiaztatzeko.
3. Familia biltzeko, udalerrri honetara etorrira, zerbitzua justifikatzen duen menpeko egoera duen pertsona izatea. Eskaera egitean LIZARTZAN erroldatu beharko du.

9. artikulua. Erabiltzaileen eskubideak.

Batetik, 2004ko apirilaren 6ko 64/2004 Dekretuko (Euskal Autonomia Erkidegoko gizarte zerbitzuen erabiltzaileen eta profesionalen eskubide eta betebeharren gutuna, eta iradokizunen eta kexen araubidea onartzen du) II. kapituluko lehenengo atalean onartutako eskubideak dituzte etxeko zerbitzuaren erabiltzaileek. Bestetik, honako eskubide hauek dituzte:

- Zerbitzua EAEko hizkuntza ofizialetako edozeinetan jasotzeko eskubidea
- Zerbitzua ematen duen langilea nahiz zerbitzuaren intentsitatea alda dezaten eskatzeko eskubidea
- Zerbitzuaren baldintzak aldatu baino lehen jakiteko eskubidea.

10. artikulua. Erabiltzaileen betebeharrak.

Batetik, 2004ko apirilaren 6ko 64/2004 Dekretuko (Euskal Autonomia Erkidegoko gizarte zerbitzuen erabiltzaileen eta profesionalen eskubide eta betebeharren gutuna, eta iradokizunen eta kexen araubidea onartzen du) II.

kapituluko bigarren atalean onartutako betebeharrak dituzte etxeko zerbitzuaren erabiltzaileek. Bestetik, honako betebeharrak hauek dituzte:

- Zerbitzua ematen duten langileei lana erraztea, haiekin lankidetzan aritzea eta langileok ongi tratatzea.
- Norberaren egoera sozio-ekonomikoa baliozta dezan, gizarte langileari beharrezko dokumentuak ematea eta etxean sartzen uztea, nola balioespen hori egiteko orduan hala jarraipena egiteko bisitetan.
- Etxean bizitzea.
- Aldez aurretik hitzartuta ez dagoen laguntza emateko eta udalaren ebazpenean sartuta ez dauden pertsonak zaintzeko ez eskatzea.
- Etxeko laguntza zerbitzua ematen duen langilea lanak egiten ari den bitartean erabiltzailea etxean egotea.
- Zerbitzua eten dezaketen joan-etorrien berri aldez aurretik ematea.
- Etxeko langileei etxeko lanak nahiz esleitutako lanak egiteko beharrezkoak diren tresnak eta materialak ematea.
- Ematen den zerbitzua aldatzeko modukoak diren bat-bateko gertaeren berri ematea udal langile teknikariei.
- Etxeko laguntza zerbitzuko langileak lan egiten izan duen edozein irregulartasunen berri ematea gizarte langileari.
- Orduko ezarritako prezioa adierazitako epean ordaintzea emandako zerbitzu bakoitzagatik, (ordu horietan sartzen dira, halaber,

eskatzaileari egotz dakioken arrazoiren bategatik bete gabeko orduak).

- Gizarte langileari norberaren egoera sozio-ekonomikoan izandako edozein aldaketaren berri ematea.
- Zerbitzua jasotzen ari den bitartean hartutako gaixotasun infekzioso-kutsakorren berri ematea udaleko pertsonal teknikoari, etxeko laguntzaileek hartu beharreko babes neurriak har ditzaten.
- Udal teknikariari zerbitzua zein bankuren eta zein kontu korronterren bidez ordainduko den esatea.
- Gipuzkoako Foru Aldundiari menpekotasunaren balorazioa eta/edo minusbaliotasunaren kalifikazioa egin dezan eskatzea.

Betebehar horietakoren bat betetzen ez bada, zerbitzua eten edo iraungi egingo da, araudi honetan onartutako prozeduraren bidez.

III. KAPITULUA SARTZEKO PROZEDURA

1. SEKZIOA. ESKATZAILEEN ZERRENDAN SARTZEA

11. artikulua.- Eskatzaileen zerrenda

Zerbitzua eskatzen dutenen zerrendaren bidez ezartzen dira zerbitzua emateko lehentasunak. I. eranskineko baremoa oinarri hartuz lortutako puntuazioaren arabera lortzen da lehentasuna.

Eskaera guztiak betetzeko aurrekonturik ez dagoenean, itxaron zerrenda egongo da etxeko laguntza zerbitzuan.

Zerbitzua eskatzen duten pertsona beregainen nahiz besteen beharra dutenen zerrendak batera gestionatuko dira, baldin eta administrazio eskudunek erabiltzaileen arabera zerbitzua eskaintzeko adina diru-hornidurarik bada behintzat. Administrazio eskudun batek edo biek ez badute diru-hornidura hori izatea bermatzen, itxaron zerrendak aparte gestionatuko dira.

Zerbitzua onartu ez zaien interesdunek beren espedientea berrikusteko eska dezakete, behar bezala egiaztatuta, haien egoera aldatzeagatik lortutako balorazioa alda daitekeenean.

Zerbitzua eskatzen dutenen zerrenda publikoa da. Hala ere, arlo honetan aplikagarriak diren araudien ondoriozko mugak ezar daitezke, pertsonen intimitate eskubidearekin lotura dutenak, batik bat. Eskatu ondoren, interes legitimoa dutela egiaztatzen dutenei zerrenden edukiari buruzko ziurtagiriak emango zaizkie.

12. artikulua.- Zerbitzu eskatzaileen zerrendan sartzeko eskabidea

Araudi honetan araututako etxeko laguntzari dagokion zerbitzu eskatzaileen zerrendan sartzeko, interesdunak inprimaki normalizatua bete beharko du. Inprimakia dagokion organoari zuzendu beharko dio, eta eskatzaileak sinatu beharko du. Inprimakia udalak bereziki gaitu dituen sarrera erregistroetan aurkeztu beharko du. Bestela, Estatuaren Administrazio Orokorrekoa edo Autonomia Erkidegoen Administrazioa den edozein administrazio organoren erregistroan aurkeztu beharko du. Halaber, eta horretarako hitzarmenik egonez gero, toki administrazioa den erakunderen batean, postetxean edo Espainiak atzerrian dituen ordezkari diplomatikoetan edo kontsul bulegoetan aurkeztu ahal izango da.

Aldi berean, interesatuak ez badu oraindik menpekotasun balorazioa izapidetu, menpekotasuna balioztatzeko eskaera egingo dio Gipuzkoako Foru Aldundiari.

Interesdunak uko egin diezaioke eskabideari, prozesuko edozein unetan. Hori idatziz egin beharko du. Hala gertatzen bada, espedientea amaitutzat joko da.

13. artikulua. Eskaerarekin batera aurkeztu behar den dokumentazioa.

Eskatutako zerbitzua etxeko laguntza zerbitzua bada, edo adingabeak beren kargura dituzten familiak zaintzea bada, eskatzailearen ezkontidearen edo izatezko bikotearen nahiz etxean bizi diren gainerakoen dokumentazioa ere aurkeztu beharko da:

Ondoko agiriak erantsi behar zaizkio eskaerari:

- NAren edo baliokidea den edozein identifikazio agiriren fotokopia.
- Etxekoen unitatean 18 urtetik beherakoren bat badago, familia liburua.
- Gipuzkoako Foru Aldundiko balorazio unitateak emandako balorazioa.
- Hala badagokio, elbarriak direnen eta/edo eskatzailearekin bizi direnen elbarritasun ziurtagiria, bai Gipuzkoako Foru Aldundiak emandakoa, bai eskumena duen erakunde ofizialarena.
- Osasun txartelaren fotokopia.
- Egoera ekonomikoaren datuak
- Eskaera egin aurreko lau urteetako ondasun higigarrien eta higiezinen zinpeko aitortpena.
- Pertsona fisikoen errentaren gaineko zergaren azken aitortpena, eta, halakorik ezean, eskatzailea deklarazioa egitera behartuta ez dagoela egiaztatzen duen Ogasunaren ziurtagiria.

- Ondasun higiezinaren gaineko zergaren eta jarduera ekonomikoen gaineko zergaren aitortzea
- Pentsioak ematen dituen erakundearen eguneratutako pentsioen ziurtagiria.
- Eskatzailearen eguneratutako posizio guztien ziurtagiriak, banku erakundeek emanak, eskatzaileak haietan honako hauek dituzten: aurrezki libretak, kontu korranteak, bonuak, akzioak, epe finkorako aurrezki orriak.
- Azken nominaren edo nominen (aldaketak baldin badaude) fotokopia.
- Ezarritako prezioa erakunde eta kontu korrante jakin baten bidez ordainduko da hileroko. Beraz, erakundea nahiz kontu korrantearen zenbakia jakinaraziko dira.
- Gizarte zerbitzuek interesgarritzat jotzen duten beste edozein dokumentazio.
- Eskatzaileak bere egoera baloratzerik nahi ez badu, edo ez badu era frogagarrian egiaztatzen, ulertuko da uko egiten diela bere egoera ekonomikoa itxaron zerrenda eratzen duen baremoan kontuan hartzeari (halako zerrendarik balego) nahiz ezarritako laguntzei. Beraz, zerbitzuaren kostu osoa ordaintzera behartuta egongo da eta hori nahitaez jaso beharko du dokumentu batean.
- 8.B) artikuluan jasotako egoeretan, etxeko laguntza jasotzen duela egiaztatzen duen jatorriko udalerriko gizarte zerbitzuen ziurtagiria aurkeztu beharko du.

Dokumentu horietakoren bat lehendik ere Udalaren esku baldin badago, ez dago berriz aurkeztu beharrik, hala jartzen baitu 30/1992 Legeak ere, Herri Administrazioen Araubide Juridikoaren eta Administrazio Prozedura Erkidearenak, 35. artikuluko f) atalean. Horretarako, ordea, interesatuak berak adierazi behar du noiz eta zer organori aurkeztu zion dena delako dokumentua, eta, betiere, duela bost urte baino gutxiago aurkeztutako dokumentuek balioko dute.

Eskaerarekin batera aurkezten den dokumentazioa osatugabea bada edo gaizki badago, eskatzaileak 20 eguneko epea izango du, atzemandako okerrak zuzentzeko edo osatzeko beharrezko dokumentazioa aurkez dezan. Hala egiten ez badu, eskaerari uko egin diola ulertuko da.

Eskatzaileak baimena ematen dio Udalari datuak egiaztatzeko nahiz biltzeko beharrezko kudeaketak egin ditzan. Datu horiek eskatzaileak araudi honetako baldintzak betetzen dituen ala ez, eta, hala badagokio, baldintzak egiaztatzeko eta zerbitzua finantzatzeko baliabide ekonomikoak ikusteko baino ezingo dira erabili.

Datu faltsuak emateak eta datuak ezkutatzek eskatzaileak kanpo geratzea ekarriko du. Horrez gain, beste ardura batzuen erantzule egitea ere ekar dezake.

14. artikulua.- Tramitazioa

Erabiltzaileen beharren ebaluazioa eta gizarte txostena nahiz proposamena 2004ko apirilaren 6ko 64/2004 Dekretuan (9. eta 10. artikulua) ezarritako baldintzen eta epeen arabera egingo dira.

A) BEHARREN EBALUAZIOA

- Eskatzailearen etxebizitzari (hala badagokio, etxebizitza ibiltaria) dagozkion udaleko gizarte zerbitzuetako gizarte laneko teknikariek egingo dituzte eskaeraren izapidetzea, balorazioa eta ebazpen proposamena.
- Langile teknikoek aztertuko dute aurkeztutako dokumentazioa. Era berean, elkarrizketak, etxeetarako bisitak eta jarraian aipatuko ditugun gaiak balioztatzeko beharrezkoak diren kudeaketak egingo ditu. Hona hemen gai horiek:

- Eguneroko bizitzako oinarrizko jarduerak egiteko laguntza behar izatea. Jarduera horiek lotura dute nork bere burua zaintzearekin, jaiki eta oheratzearekin, janztearekin, ibiltzearekin, elikatzearekin, garbitzearekin eta esfinterrak kontrolatzearekin.
- Eguneroko bizitzan tresnak erabiliz egiten diren jarduerak egiteko laguntza behar izatea. Esate baterako, elikagaiak eskuratzea eta prestatzea, etxebizitza eta sukaldeko tresnak garbitzea, arropa garbitzea, erosketak egitea, dirua erabiltzea, botikak kontrolatzea eta etxeko nahiz etxetik kanpoko joan-etorriak egitea.
- Familiako eta gizarteko egoera. Eskatzaileak, bizi den pertsonekin nahiz gizarteko ingurunearekin duen harremana baloratzea, bai eta familiako nahiz gizarteko sareak eskatzailearen beharrei erantzuteko duen gaitasuna baloratzea ere.
- Etxebizitzak zer higiene, ekipamendu, bizigarritasun eta irisgarritasun baldintza dituen, eta ingurunean non kokatuta dagoen. Hori guztia kontuan izanda, laguntza teknikoaren beharrik dagoen.
- Egoera ekonomikoa.

B) GIZARTE TXOSTENA - PROPOSAMENA

Gizarte laneko zerbitzu teknikoek honako gai hauek zehaztuko dituen nahitaezko gizarte txostena egingo dute:

- Eskatzaileak zerbitzuan sartzeko baldintzak eta eskaera aurkezteko baldintzak betetzen dituen.
- Hala badagokio, baldintzetan salbuespen egoera onar dezaten arrazoitutako proposamena.
- Eskatzailearen egoera pertsonala eta familiako nahiz gizarteko egoera. Hala badagokio, etxekoaren unitatearen egoera.

- Esku-hartzearen onuradunak zein diren, zer zerbitzu mota jasoko duten, zerbitzua astean zenbat orduz eta egunez jasoko duten, eta proposatutako lanen eta zerbitzuaren iraupena zein izango den.
- Hala badagokio, baldintzetan salbuespenezko zerbitzuak egotea onar dezaten arrazoitutako proposamena.
- Eskatzaileak zerbitzuagatik ordaindu beharreko orduko prezioa.
- Hala badagokio, zerbitzua zergatik ezeztatu den arrazoitzen duen proposamena.

15. artikulua. Ebazpena

Eskaera aztertu eta baloratu ondoren, arrazoitutako ebazpena emango duen organo eskumendunari igorriko zaio. Hark onartuko edo ezeztatuko du eskatutako zerbitzuan sartzeko eskaera.

Eskaera udal erregistroan sartzen denetik hasita, gehienez ere bi hilabeteko epean eman beharko da ebazpena. Epe hori eten egingo da jakinarazpenaren eta jakinarazpena betetzearen artean dagoen denboran eskaerak zuzentzea eskatzen denean, eta, hala badagokio, emandako epea igarotzen denean, edo Gipuzkoako Foru Aldundiari eskatzailearen autonomia baloratzeko beharrezko txostena eskatu behar zaionean.

Aurreko zatian jasotako epea igaro eta gero ebazpenik eman ez bada – betiere ebazpena emateko betebeharrarekin –, eskaera atzera bota dela jo daiteke, interesatuak aukerako berraztertze errekurtsoa edo administrazioarekiko auzi-errekurtsoa jar dezan.

Eskaera onartzen duten ebazpenetan honako hauek ere adierazi behar dira:

- Aurrekonturik ez egoteagatik zerbitzua berehala ematea ezinezkoa denean, eskaera itxaron zerrendan sartu dela.

- Laguntza emango dela. Honako gai hauek zehaztu behar dira: iraupena, mota, intentsitatea eta zerbitzuaren kostua. Era berean, onuradunari dagokion ekarpen ekonomikoa.

Ebazpenean eskaerari uko egiten bazaio, uko egitearen arrazoiak adierazi beharko dira. Eskaera honako egoeraren bat gertatzen denean ezeztatuko da:

- Araudi honetan jasotzen diren baldintzak ez betetzea.
- Eskaeran adierazitako beharrak eskatzaileak berak eta/edo familiako kideren batek eta/edo beste baliabide pertsonal batek bete ahal izatea.
- Laguntzaren ezaugarriak direla kausa, edo eskatzailearen bizitokia dela kausa, laguntza hori beste administrazio publiko baten eskumena izatea.
- Zerbitzuak erabiltzailearentzat nahiz zerbitzua ematen duen langilearentzat arrisku fisiko eta/edo psikikoak sor ditzakeela baloratzea.
- Behar bezala zuritutako beste arrazoi batzuk.

Ebazpena legeak eskatzen duen epean jakinaraziko da, dagozkion baldintzak beteta. Ebazpenaren aurka aukerako berraztertze errekurtsoa jar dakioko dagokion organoari. Bestela, ebazpenaren aurka zuzenean egin daiteke, legez ezarritako epean eta baldintzetan administrazioarekiko auzi-errekurtsoa aurkeztuta.

Ebazpena zerbitzua ematen duen erakundeari ere jakinarazi beharko zaio. Ebazpena 7 egun naturaleko epean bete beharko da jakinarazpenaren datatik hasita.

16. artikulua.-Larrialdi egoerak

Salbuespen gisa, eta beharra muturrekoa eta larria denean, udaleko gizarte zerbitzuek laguntza berehala ematen hastea proposatuko dute, eskaera behar bezala izapidetuta egon ez arren.

Udalaren gizarte zerbitzuek zerbitzua larria dela adieraziko diote zerbitzua ematen duen erakundeari eta honek 24 orduko epean hasi beharko du zerbitzua betetzen.

Gehienez ere 8 egun naturaleko epean tramitatu beharko da eskaera, ohiko prozedurari jarraituz.

2. SEKZIOA. ZERBITZUAN ONARTZEA ETA SARTZEA.

17. artikulua.- Zerbitzuan onartzea

Zerbitzua zerrendako ordenaren arabera emango zaie onartutako eskatzaileei. Horretarako, 1. eranskineko atalen arabera egindako eskaeren balorazioa hartuko da kontuan.

Puntuazio bera duten eskaerei dagokienez, honako atal hauetan puntuazio gehien dutenek izango dute lehentasuna. Hona hemen puntuazioa lortzeko lehentasunen ordena: gizarte eta familia egoera, laguntzaren premia, egoera ekonomikoa eta etxebizitzaren egoera.

IV. KAPITULUA ZERBITZUA EGOKITZEA ETA ZERBITZUAREN SEGIMENDUA

18. artikulua.- Segimendua eta ebaluazioa

Gizarte laneko teknikariek segimendu jarraitua egingo dute, zerbitzua onuradunen beharrei egokitzen zaien ikusteko. Hala, dagozkien aldaketak proposatuko dituzte eta, onuradunekin batera, proposatutako helburuak lortu diren ebaluatuko dute. Era berean, joan beharra ikusiz gero, etxera bertara

joateko aukera ere izango dute, eta baita aldian behin etxeko laguntzaileekin egoteko ere.

Onuradunak hala eskatuta, edota zerbitzua ematen duen erakundeak hala eskatuta, ebaluazioak egin ahal izango dira aldian-aldean. Bestela, ebaluazio horiek protokoloetan eta kontratuetan zehaztutako eran ere egin daitezke.

19. artikulua. Egokitzapen aldia.

Zerbitzuan sartu eta lehen hiru hilabeteetan, pertsonak zerbitzuaren funtzionatzeko ezaugarrietara egokitzeko aldia daudela joko da. Erabiltzailearen erreferentziazko gizarte laneko teknikariak eta/edo zerbitzuak kudeatzen dituzten enpresetako profesionalek une oro hitz egingo dute sortzen diren arazoei buruz. Egokitzapen ona lortzeko beharrezko irtenbideak bilatuko dira.

Erabiltzailearekin batera irtenbideren bat aurkitzen saiatuta ere, zaila bada erabiltzailea zein langilea zerbitzura egokitzea, edo jotzen bada zerbitzuak pertsonaren beharrak ez dituela asetzen, Gizarte Ongizateko Udal Zuzendaritzak/Buruzagitzak/ udaleko gizarte zerbitzuek egoera baloratu eta proposamena egingo du/dute. Aldez aurretik, txosten teknikoa egingo dute gizarte zerbitzuetakoek eta/edo zerbitzua kudeatzen duen enpresako profesionalek.

Egindako proposamena erabiltzaileari eman behar zaio. Erabiltzaileak 15 egun izango ditu alegazioak egiteko.

Alegazioak aztertu eta gero, Gizarte Ongizateko Zuzendaritzak/Buruzagitzak /udaleko gizarte zerbitzuek behin betiko proposamena aurkeztuko dio/diote aurkeztu behar zaion organoari, eta hark ebaztuko du, ebazpen arrazoitua emanda. Pertsona zerbitzutik irtenaraztea erabakiz gero, beste aukera bat proposatuko da, halakorik badago.

V. KAPITULUA. ZERBITZUA ETETEA ETA IRAUNGITZEA

20. artikulua. Zerbitzua etetea eta iraungitzea.

20.1. Zerbitzua aldi batez etetea

Eskumena duen organoak dagokion espedientea bideratu eta gero, eta Gizarte Ongizateko Udal Zuzendaritzak/Buruzagitzak /udaleko gizarte zerbitzuek hala proposatuta, zerbitzua aldi batez etengo da, aldez aurretik interesatuarekin audientzia izan eta gero. Onuradunari, eta, hala dagokionean, zerbitzua ematen duen erakundeari emango zaio ebazpenaren berri, legeak eskatzen dituen epeetan eta zehazten dituen baldintzak beteta.

Etenaldiak dirauen bitartean erabiltzaileak ez du zertan dirurik ordaindu behar zerbitzuagatik.

Etxeko laguntza zerbitzua zenbait arrazoiengatik etengo da. Hona hemen arrazoi horiek:

- Hiru hilabete baino denbora gutxiagoz ospitalean egotea. Aldi hori egoera berezietan luza daiteke.
- Hiru hilabetez beste erakunde batzuek (Foru Aldundia, IMSERSO) eskaintako baliabideengatik etxetik kanpo egotea. Aldi hori egoera berezietan luza daiteke.
- Azken zerbitzuaz geroztik, hilabete eta erdi baino epe motzagoan etxetik kanpo egotea. Aldi hori egoera berezietan luza daiteke. Erabiltzailea familiako kideen etxeetan txandakatuta bizi bada, aldi hori txanden epeen arabera luzatuko da.
- Erabiltzaileak 10. artikuluan jasotako betebeharren bat betetzen ez badu, baina betebeharrak ez betetzea zerbitzua etetekeko arrazoi ez denean.

Etxean ez egoteagatik zerbitzua eteten denean, erabiltzailea etxera etorri gabe dagoen denborak ezarritako epea gainditzen badu, zerbitzua iraungi egingo da.

20.2. Zerbitzua iraungitzea.

Eskumena duen organoak dagokion espedientea bideratu eta gero, eta Gizarte Ongizateko Zuzendaritzak/Buruzagitzak /udaleko gizarte zerbitzuek hala proposatuta, zerbitzuko bajak ezarriko dira, aldez aurretik interesatuarekin audientzia izan eta gero. Onuradunari nahiz zerbitzua ematen duenari emango zaie ebazpen horren berri.

Etxeko laguntza zerbitzua zenbait arrazoiengatik etengo da. Hona hemen arrazoi horiek:

- Erabiltzaileak uko egitea.
- Zerbitzurako aurreikusitako epea amaitzea.
- Erabiltzailea hiltzea.
- Onuraduna beste udalerrri batera joatea, familiako etxeetan txandaka bizi denean izan ezik.
- Onuraduna beste baliabide edo programa batean sartzea.
- Zerbitzua ematea sortu zuen beharra desagertzea.
- Zerbitzua emateko kontuan hartu diren datuak ezkutitzea edo datu faltsuak ematea.
- Zerbitzuan sartu ahal izateko eskatutako baldintzaren bat galtzea.
- Zerbitzuaren segimendurako eska daitekeen dokumentazioa ez ematea.

- 30 eguneko epean gizarte eta ekonomia egoera aldatu izanaren berri ez ematea.
- Aldi baterako zerbitzua eten eta gero, etenaldiaren ondoren etxera ez itzultzea.
- Zerbitzua ematen duen langileari eraso fisikoa edo psikologikoa eragitea.
- Zerbitzuko bi erreziho ordaintzen atzeratzea arrazoirik gabe.
- Araudi honetan zehaztutako erabiltzailearen betebeharrak behin eta berriz ez betetzea (erreziboak epez kanpo ordaintzea,...).
- Etxekoen unitatea osatzen dutenen artean gizarte laneko teknikariarekin edo zerbitzua ematen duenarekin lankidetzarik ez egotea. Horretarako, gizarte laneko zerbitzu teknikoak alde aurreko balorazioa egin behar du.
- Erabiltzailearentzat nahiz zerbitzua ematen duenarentzat arrisku fisikoak eta/edo psikikoak egotea. Horretarako, gizarte laneko zerbitzu teknikoek alde aurreko balorazioa egin behar dute.

Zerbitzua iraungi eta gero, erabiltzaileak berriz ere zerbitzuan sartu nahi duela adierazten badu, beste eskaera bat egin beharko du. Eskaera hori araudi honetan zehaztutakoaren arabera izapidetuko da.

Zerbitzua iraungi eta gero erabiltzaileak zerbitzuren bat ordaindu gabe baldin badu, haiek ordain ditzan eskatuko zaio berriz zerbitzua eman baino lehen.

VI. KAPITULUA. ZERBITZUAREN ERREGIMEN EKONOMIKOA

21. artikulua. Etxeko laguntza zerbitzuaren prezioa.

Prezioak etxeko laguntza zerbitzua esleitzerakoan zehaztuko dira. Hala dagokionean, urtero, eskumena duen organoak prezioak eguneratuko ditu, zerbitzua esleitzeko baldintzetan ezarritako igoeren arabera.

Ez zerbitzua ematen duen pertsonak ez zerbitzua hartuta duen enpresak ez du aurreko paragrafoan adierazitako diruaz gainerako ezer ere onartuko, ez emaririk ez ordainketa gehigarririk ez bestelakorik. Zerbitzua hartuta duen enpresak zaindu behar du baldintza hori betetzen dela.

22. artikulua. Finantzaketa

Honako hauen kargura finantzatuko dira zerbitzuak:

- Onuradunak zerbitzua finantzatzen parte hartu beharko du. Dagokion organoaren ebazpenean –betiere onuradunak dituen baliabide ekonomikoak kontuan hartuta–, ezartzen den kopurua ordaintzeko konpromisoa onartu behar du, zerbitzua ematen hasteko. Baldintza hori betetzetik salbuetsita geratuko dira udalaren ekimenez ezarritako prebentziorako zerbitzuen onuradun direnak (adingabeak, zerbitzua arriskuan dauden adingabeak zaintzera bideratuta dagoenenean) .

Gizarte Ongizateko Zuzendaritzak/Buruzagitzak /udaleko gizarte zerbitzuek berriaz baimendu beharko dituzte salbuespen horiek. Horretarako, Haurren Atalak eta/edo gizarte zerbitzuetako zentroetako gizarte langileek nahitaezko txosten bat eman beharko dute aldez aurretik.

- LIZARTZAko Udalak ordainduko du, orduko prezioari onuradunak ordaindu beharreko orduko ekarpena kenduta geratzen den kopurua. Kopuru hori 23. artikuluaaren arabera eta II. eranskinean ezarritako ekarpenen baremoaren arabera kalkulatu da.
- Etxeko laguntza zerbitzua erabiltzen duten pertsona ezinduen erantzukizun finantzarioa Gipuzkoako Foru Aldundiarena izango da esleituta dituen

eskumenen eta LIZARTZAko Udalarekin sinatuta duen hitzarmenaren arabera.

23. artikulua.- Zerbitzuaren erabiltzailearen ekarpena

Araudi honetan araututako zerbitzuen erabiltzaileak zerbitzuaren kostuaren ehuneko bat ordaindu beharko du, betiere bere gaitasun ekonomikoa kontuan hartuta. Gaitasun hori zehazteko, zerbitzuko onuradun guztien errenta eta ondarea hartuko dira kontuan.

Erabiltzailearen ekarpena elementu horien arabera ezarriko da, II. eranskinean ezarritako baremoaren arabera.

Gaitasun ekonomikoari buruzko datuak faltsifikatzearen edo ezkutatzearen ondorioz eskaera amaitutzat joko da, edota, zerbitzua emanda badago, zerbitzua iraungitatzat joko da. Horrez gain, gertaera horietatik eratorritako ardurak bete beharko dira. Udalak prezioa ordaintzeko laguntzaren edo hobariren bat eman badio erabiltzaileari, laguntzak emateko udal ordenantzan arautzen den diru laguntzak itzultzeko prozedura hasiko da.

Zerbitzuetako erabiltzaileak, eta, hala badagokio, beren legezko ordezkariak, behartuta daude Udalari errentan, ondarean edo etxeko unitatean dauden aldaketen berri ematera, bai eta norberaren ekarpena ezartzeko eragina izan dezakeen beste edozein egoera jakinaraztera ere. Horren ondorioz sortzen den edozein aldaketa ekonomikok hurrengo hilean izango du eragina.

Norberaren ekarpenaren baldintzetan edo egoeretan aldaketaren bat dagoenean, udal teknikariek erabiltzailearen banakako ekarpena ofizioz berrikusi beharko dute, bai erabiltzaileak berak hala eskatuta, bai haren ordezkariak eskatuta.

LEHEN XEDAPEN GEHIGARRIA

Erabiltzaile bakoitzari eskainiko zaion zerbitzuaren iraupena zehazteko, beti ere 7. artikuluko 2. puntuan ezarritako mugen barruan, zerbitzuaren denbora finkatzeko irizpide-eskuliburuaren arabera erabakiko da. Eskuliburu hori Oinarrizko Gizarte Zerbitzuetako profesionalek aplikatuko dute, eta erabiltzaileen esku ere egongo da.

BIGARREN XEDAPEN GEHIGARRIA

Araudiaren laburpen bat prestatuko da erabiltzaileei emateko.

XEDAPEN IRAGANKORRA

Araudi hau indarrean jarri baino lehen zerbitzua jasotzen ari direnei ez zaie aplikatuko II. eranskina, alegia erabiltzaileek egin beharreko ekarpena zehazten duena; alabaina sei hilabeteko gehieneko epean eska dezakete hura aplikatzea. Aldaketa onartuz gero, ezingo da berriz eskatu aurreko araudia aplikatzea. Araudi berria aplikatzen ez zaien erabiltzaileei, araudi hau indarrean sartu baino lehen zegoen sistemak agintzen duena aplikatuko zaie. Beraz, sistema horrek dakartzan irizpideen arabera eguneratuko zaizkie zerbitzua jasotzeko egin behar dituzten ekarpenak. Hemendik aurrera izaten diren alta guztiak, baita lehengo sistema aplikatzen zitzairen pertsonen zerbitzua iraungi ondoren ematen direnak ere, araudi honetan jarritako baldintzen arabera izango dira.

XEDAPEN INDARGABETZAILEA

Araudi honetako arauekin kontraesanean dauden maila bereko nahiz txikiagoko arau guztiak indargabetuta geratu dira.

AMAIERAKO LEHENENGO XEDAPENA

Udal Batzarrari ahalmena ematen zaio araudi hau aplikatu eta garatzeko behar diren arauak eman ditzan.

AMAIERAKO BIGARREN XEDAPENA

Araudi hau Gipuzkoako Aldizkari Ofizialean argitaratu eta hamabost eguneko epean sartuko da indarrean.

I. ERANSKINA

SARTZEKO BAREMOA

Sartzeko baremoak eskatzaileen zerrendarako ordenamendu irizpideak ezartzen ditu eta zerbitzuan sartzeko lehentasuna, gizarte diagnostikoaren arabera.

Sartzeko baremoa zehazteari dagokionez, eskatutako zerbitzuak pertsona bati baino gehiagori eragiten badio, laguntza behar handiena duen pertsonaren egoera bakarrik balioztatuko da, egoera ekonomikoaren dimentsioa zehaztean izan ezik; izan ere, kasu horretan, elkarbizitza unitatean dauden kideen per capita errenta balioztatuko da.

BAREMOAREN EGITURA

DIMENTSIOAK	PUNTUAZIO TARTEAK
Eguneroko jarduerak egiteko laguntzaren beharra	0-40
Elkarbizitza eta gizarte sostenguko egoera	0-30
Etxebizitza edo bizitokiaren egoera	0-20
Egoera ekonomikoa	0-10
Guztira	0-100

I. EGUNEROKO JARDUERAK EGITEKO LAGUNTZAREN BEHARRA

Pertsonak behar duten laguntza maila balioztatzean datza, eguneroko bizitzako jarduerak egiteko garaian (jan, jantzi, norberaren garbiketa, besteak beste), bai eta jarduera instrumentalak egiterako garaian ere (etxetresna elektrikoak, erosketak, eta abar). Horrela, pertsona horiek duten autonomia maila mantentzea eta sustatzea da helburua, eta bizi kalitate onarekin bizitzea beren ingurunean.

Balioespen hori egiteko, berriz, dagokion administrazioak zehaztutako eskala erabiliko da.

II. ELKARBIZITZA ETA GIZARTE SOSTENGUKO EGOERA

Beharrak betetzeko pertsonak duen laguntza maila ezagutzea da helburua, honako aldagai hauek irizpidetzat hartuta:

- Elkarbizitza egoera: Bakarrik ala norbaitekin bizi den. Beste adindunekin bizi den (senitartekoak edo lagunak), edo beste senitarteko edo lagunekin.
- Sare informaliak duen ala ez, eta, baldin badago, sare horrek laguntza emateko eta hurbiltzeko dituen aukerak (senitarteko eta / edo lagunak), eta zer laguntza mota ematen duen.

III. ETXEBIZITZA EDO BIZITOKIAREN EGOERA

Etxebizitzaren edo bizitokiaren ezaugarriak balioztatzean datza; izan ere, hauei eragin diezaioke: era autonomoan moldatzeari, ingurunearen kontrolari, aukeratzeko ahalmenari, baita laguntza eta/edo sostengua jasotzeko aukerei ere.

Aintzat hartzeko aldagaiak dira iristen erraza izatea, bizitzeko egokia izatea eta ekipamendua.

IV. EGOERA EKONOMIKOA

Egoera ekonomikoa balioztatzeko, ondarea (higiezin eta higigarrien kapitala) eta errenta (higiezin eta higigarrien etekina eta pentsioetatik, soldatetatik, eta abarretatik datozen diru sarrerak) hartzen dira kontuan. (Ikus II. eranskineko A) ataleko baremo ekonomikoan ageri diren kontzeptuak).

Ohiko etxebizitza kontuan izan gabe, 31.818,60 eurotik gorako per capita ondarea duten eskatzaileei (kopuru hori Espainiako kontsumo prezioen indizearen arabera eguneratuko da urtero) eta/edo errenta Eragin Askotako Errenta Adierazle Publikoa baino %300 handiagoa dutenei 0 puntu emango zaie.

Eragin Askotako Errenta Adierazle Publikoaren (EAEAP) %300en azpitik, 10 sarrera tarte ezarri dira, eta mailaka puntuatu dira, 10 arte.

Per capita errenta	Puntuazioa
EAEAPren %110 arte	10
111 – 115	9
116 – 125	8
126 – 150	7
151 – 175	6
176 – 200	5
201 – 225	4
226 – 250	3
251 – 275	2
276 – 300	1
> EAEAPren %300	0

II. ERANSKINA

EKARPEN EKONOMIKOAREN BAREMOA

A) Onuradunen ahalmen ekonomikoa kalkulatzea:

Ahalmen ekonomikoa honako balioztatze elementu hauen bidez kalkulatzen da: errenta, ondarea eta onuradunen kopurua.

1. Errenta da onuradunak edo onuradunek guztira jasotzen dituzten diru sarreren zenbatekoa. Honako hauetatik jaso dezakete:

- Lan etekinak, horren barne egonik pentsioak eta gizarte aurreikuspeneko prestazioak, edozein erregimen dutela ere.

- Kapital higikor zein higiezinaren etekinak.

- Enpresa edo lanbide jardueren etekinak.

2. Ondarea da onuradunen higiezinaren eta higigarrien kapital osoa, eskabidea egin aurreko lau urteak kontuan hartuta balioetsita.

- Kapital higigarritzat jotzen dira: kontu korranteetako eta epe jakinerako kontuetako gordailuak; inbertsio funtsak eta pentsio funtsak; balore higigarriak; bizi aseguruak eta aldi bateko zein biziarteko errentak; arte objektuak, antigoaleko gauzak eta bestelako objektu baliotsuak.

- Kapital higiezintzat jotzen dira izaera landatarreko zein hiritarreko ondasunak.

3. Elkarbizitza unitatea da ohiko etxebizitzan bizi diren pertsonak osatzen dutena.

4 . Libreki erabiltzeko diru kopurua

Libreki erabiltzeko diru kopurua izango da udal bakoitzak EAEAPren arabera zehaztuko duen zenbatekoa. Libreki erabiltzeko gutxieneko zenbatekoa EAEAPren %100 izango da eta gehienekoa EAEAPren %120. Familia edo elkarbizitza unitatea kide batek baino gehiagok osatzen badute, aurreko zenbatekoari EAEAPren %40 erantsiko zaio bigarren kideagatik eta EAEAPren %30 gainerako kideetako bakoitzagatik.

B) Onuradunen ekarpena kalkulatzea, orduko ezarritako prezioaren arabera:

1. Ohiko etxebizitza kontuan izan gabe (ohiko etxebizitza da norbera titularra den etxebizitza, hori ohiko bizitokia izanik), 31.042,28 eurotik gorako per capita ondarea duten eskatzaileek (kopuru hori Euskal Autonomia Erkidegoko kontsumo prezioen indizearen arabera eguneratuko da urtero), orduko ezarritako prezio osoa ordaindu behar dute, neurritz gaineratik dagoen kopuruarekin. Ondarea kopuru hori bera edo txikiagoa bada, 2. puntuan ezarritako prozedura aplikatuko da.

Per capita ondarea, zerbitzu motaren arabera, honela zenbatzen da:

- Etxeko laguntza zerbitzua eta zerbitzu mistoa (etxeko laguntza + laguntza pertsonala).

Elkarbizitza unitateko kideen higiezinaren eta higigarrien per capita kapitala.

- Laguntza pertsonaleko zerbitzua. Onuradunaren higiezinaren eta higigarrien kapitala. Ezkontzetan edo izatezko bikoteetan, bi pertsonen ondarea batu eta zati bi egiten da, eta zati bat bakarrik hartzen da kontuan.

2. Onuradunak edo onuradunek errentaren arabera ekarpena egingo dute, ondoren deskribatutako baremoa irizpide hartuta.

Errenta, zerbitzu motaren arabera, honela zenbatzen da:

- Etxeko laguntza zerbitzua eta zerbitzu mistoa (etxeko laguntza + laguntza pertsonala). Elkarbizitza unitateko kide guztien diru sarrera garbiak.
- Laguntza pertsonaleko zerbitzua, onuradunaren diru sarrera garbiak. Ezkontzetan edo izatezko bikoteetan, bi pertsonen sarrera garbiak batu eta zati bi egiten da, eta zati bat bakarrik hartzen da kontuan.

C) Erabiltzailearen diru ekarpena zehaztea

Zerbitzuaren kostuaren gainean erabiltzaileak egingo duen ekarpena ondorengo ekarpenen taularen arabera zehaztuko da:

Ekarpena	Sarrerak
1,50%	EAEAP %110 arte
4%	EAEAP %111-115
8%	EAEAP %116-125
15%	EAEAP %126-150
24%	EAEAP %151-175
35%	EAEAP %176-200
48%	EAEAP %201-225
61%	EAEAP %226-250
74%	EAEAP %251-275
87%	EAEAP %276-300
100%	>EAEAP % 300

Zerbitzu bat baino gehiago aldi berean erabiltzea

Erabiltzailea aldi berean beste gizarte zerbitzu baten onuradun ere bada, pertsonaren ekarpen ekonomikoa horrela balioztatuko da:

- Pertsona autonomoentzako bestelako bizitokiak: lehenik eta behin, ahalmen ekonomikoa balioztatuko da bestelako bizitokietarako (gizarte etxebizitzak, etxebizitza komunitarioak) ekarpen baremoen arabera; bigarren, diru sarrerei bestelako bizitoki horren kostuaren ordainetan egiten den ekarpenaren %100 kendu ondoren, gelditzen zaion ahalmen ekonomikoa balioetsiko da, etxeko laguntza zerbitzuko ekarpen baremoa aplikatuz.
- Eguneko zentroa eta gainerako zerbitzuak: diru sarrerei eguneko zentroaren edo dagokion zerbitzuaren ordainetan egiten duen ekarpenaren %100 kenduko zaie.

Etxez Etxeko Laguntza Zerbitzuaren Udal Araudia, aztertu eta eztabaidatu ondoren, aho batez onartua izan da.

6.- ALKATETZA DEKRETUAK

OBRATAKO BAIMENAK

GABRIEL ZUBILLAGA ZUBILLAGA – 534/2005, Elbarrena, 12 – 2.an leihoak eta ateak aldatu.

JOSE ARZADUN EGILUZ – 536/2005, Lezialdeko Haintzpartetxe lurretan, Haintzpartetxen, Banakako Etxebizitza.

PEDRO URKIZAR LARRARTE – 558/2005, Beorrita Baserriko teilatuari erretila eman.

ARANTXA GARMENDIA MAYOZ – 562/2005, Kale Nagusia 13 bh. Ezk.an, barrualdeko hormetako harria eta egurra atera eta atea eta leihoak eraberritzea.

JUAN JOSE MATEOS MORALES – 612/2005, Arrate Baserrian, baimenik gabe burututako obrak legezkatzea.

CARLOS URDANGARIN PALACIO – 619/2005, Illarratsun, txabolari teilatua konpondu eta tximinia jarri.

FRANCISCO OLAETXEA KARRERA – 621/2005, Gurutz Bidea Klean, txabola batetara ur hodia pasa.

MANU LASA MIRANDA – 629/2005, Elizondo Auzoa, 4 – 1. esk.an etxeko lurra altxa eta berria jarri.

LUXIA GARMENDIA GARMENDIA – 636/2005, Kale Nagusia, 10 – 2.an balkoia konpontzea.

SAGRARIO URDAMPILLETA GOGORZA – 638/2005, Kale Nagusia, 18 – 1.goan balkoiak konpontzea.

JUAN JOSE MATEOS MORALES – 652/2005, Arrate Baserrian, baimenik gabe burututako obrak legeztatzea.

RAUL PASTOR GARCIA – Kale Nagusia, 18 – 1.an, Etxeko leihoak aldatu eta barruko distribuzioa aldatu.

LORENZO BARRIOLA TOLOSA – Lardi Baserrian, sukaldea eta bainugela berritzea.

AURRI ESPEDIENTEA – 553/2005

IKUSIRIK.- Udal arkitektuak, KALE NAGUSIA, 17ko higiezinaren segurtasun baldintzei buruz egindako txostena.

KONTUAN HARTURIK.- Txostenaren arabera eraikuntza horren 1. eta 2. solairuen arteko forjatuaren egoera arriskuan dagoela, forjatuaren egoera kritikoa dela, egurrezko habexkak erabat ustelduta bai daude, eta horrek bertan bizi diren pertsonetako suposatzen duen arriskua ikusiz.

KONTUAN HARTURIK.- Hirigintza-Disziplinaren Arautegiak bere 10. artikuluan esaten duena.

Honako hau ERABAKI DUT:

Lehenengo.- Kale Nagusia 17ko eraikinaren beharrezko estabilitatea bermatzeko egitura apuntalatzea, eraikuntzaren 1. eta 2. solairuen arteko forjatuaren egoera kritiko kontuan harturik.

Bigarren.- Forjatuak behar dituen eraberritze lanak zehaztuko dituen Arkitektuen Kolegioak ikusionetsitako proiektua aurkeztu beharko dute Lizartzako Udalarari 3 asteko epean.

Hirugarren.- Erabaki hau berehala jakinaraztea jabe eta higiezinan bizi direnei.

LAGUNTZAK – 591/2005

LIZARTZAKO JUAN XXIII Eskolak, 2005eko urriaren 13an, ikasturtearen zehar burutzen dituzten irteeratako, laguntza eskatu du.

Aurkeztutako datuak aztertu ondoren, ERABAKI DUT:

2005 urteko aurrekontuaren kargura, 1.000,00 €-tako diru-laguntza onartu eta baimentzea.

Udaleko Kontuhartzaitzari, aipatutako 1.000,00 €-tako diru-laguntza ordaintzeko agintzea.

UR ERREZIBOAK – 593/2005

Joseba Egibar Artola, Lizartzako Udaleko Alkate-Lehendakariak 2005eko Urriaren 13-an, ondorengo EBAZPENA luzatu du:

EBAZPENA.- 2005-eko 3. Hiruhilabeteari dagokion Uraren Zergaren errolda iadanik egina dago alta eta baja guztiak eguneratu ondoren. Denetara 275 errezibo dira eta kobratu beharreko kopurua, 4.772,53 €

Beraz, espediente osoa ikusirik eta kontutan izanik, bere aurrean ERABAKI DUT:

2005 URTEKO 3. HIRUHILABETEKO URAREN ZERGAREN ERROLDA ONARTZEA

Ebazpen hau behin-betikoa da eta amaiera ematen dio administrazio bideari. Hortaz, beronen aurka Administrazioarekiko Auzi-Errekurtsoa aurkeztu ahal izango dute interesatuek, Euskadiko Justiziako Auzitegi Nagusiak Bilbon duen Administrazio Liskarretako Salan, iragarki hau argitara ematen den hurrengo egunetik bi hilabeteko epean, aldez aurretik udaletxeari adierazita legeak, Herri Administrazioen Lege Arauei eta Administrazio Ihardunbide Arruntari buruzkoak, 110.3 artikuluan dioen bezela.

ZABORREN ERREZIOBAK – 592/2005

Joseba Egibar Artola, Lizartzako Udaleko Alkate-Lehendakariak 2005eko Urriaren 13-an, ondorengo EBAZPENA luzatu du:

EBAZPENA.- 2005-eko 3. Hiruhilabeteari dagokion Zaborraren Zergaren errolda iadanik egina dago alta eta baja guztiak eguneratu ondoren. Denetara 275 errezibo dira eta kobratu beharreko kopurua, 4.080,00 €

Beraz, espediente osoa ikusirik eta kontutan izanik, bere aurrean ERABAKI DUT:

2005 URTEKO 3. HIRUHILABETEKO ZABORRAREN ZERGAREN ERROLDA ONARTZEA

Ebazpen hau behin-betikoa da eta amaiera ematen dio administrazio bideari. Hortaz, beronen aurka Administrazioarekiko Auzi-Errekurtsoa aurkeztu ahal izango dute interesatuek, Euskadiko Justiziako Auzitegi Nagusiak Bilbon duen Administrazio Liskarretako Salan, iragarki hau argitara ematen den hurrengo egunetik bi hilabeteko epean, aldez aurretik udaletxeari adierazita legeak, Herri Administrazioen Lege Arauei eta Administrazio Ihardunbide Arruntari buruzkoak, 110.3 artikuluan dioen bezela.

BERASAENEAKO BORDAREN LEGEZTAPENA – 609/2005

IKUSIRIK.- Maria Luisa Arrate Luloaga Andreak eskatuta, Berasaeneako Bordaren legeztapenerako hasitako espedienteak. Bordaren ezaugarriak hauek dira:

- .- Lartzalde auzoan kokatutako Berasaeneako borda bi zatitan banatzen da jabetzaren arabera (Berasaenea baserria bezalaxe).
- .- Maria Luisa Arrate Luloagaren jabetzazko zatiak, 9 metroko luzera eta 8 m-ko zabalera du, hau da, 72,00 m² inguruko azalera.
- .- Bordak, behe solairua eta teilatupeko solairua ditu, beraz guztira 144,00 m²-ko azalera eraikita dauka.
- .- Harlangaitzezko harrizko hormak ditu.
- .- Berasaeneko baserriko borda, 1980 urtea baino lehen egina dago.
- .- Lizartzako AASS-en arauera urbaniezinak diren lurretan kokatzen da eraikina. AASS-en arabera lur urbaniezinetan txabola eta borden eraikuntza ahalbideratzen da baina beti ere, ustiapen bati lotuta.

.- Berasaeneako bordaren kasuan, Berrikuspen prozesuan dauden Arauetako Katalogo proposamenean sartu da, Udal ondasun kalifikazioarekin. Honen bitartez beraz, izaera kontsolidatua izango luke.

KONTUTAN HARTUAZ.- Ekainaren 16ko 1/1992 Errege-Dekretu Legegilearen bidez onartutako Lurzoruaren eta Hiri-Antolamenduaren Erregimenari buruzko Legearen Testu Bateratuaren 249-1 artikuluko a) hizkian ezarritakoa ikusirik,

HONAKO HAU ERABAKI DUT:

1.- Maria Luisa Arrate Luloaga Andreari, Berasaeneako Borda legeztatzeko baimena ematea.

Baimen hau, hirugarren baten jabetza eskubidea errespetatu eta horren kalterik gabe ematen da.

Era berean, adierazten dut, erabaki hau eskatzailearen kontrakoa edo aldekoa izan, eskubidea duela erabakiaren aurka jotzeko. Erabaki honen aurka berraztertzeko errekurtsioa jar daiteke nahi izanez gero, administrazioarekiko auzi-errekurtsioaren aurretik; beti ere, 30/1992 Legearen¹ 116. artikuluen eta hurrengoaren arabera. Horretarako, hilabete bat izango da erabaki honen jakinarazpena jaso eta biharamunetik hasita.

Hala ere, administrazioarekiko auzi-errekurtsioa zuzen-zuzenean jar daiteke, aldeztatik berraztertzeko errekurtsorik jarri gabe. Bi hilabete izango dira horretarako, dekretu honen jakinarazpena jaso eta biharamunetik hasita; eta, aurkeztu, Alkateari aurkeztu behar zaio.

URBA U.T.E. – JORGE LIZARRIBAR – 616/2005

¹ Herri Administrazioen Araubide Juridikoaren eta Administrazio Prozedura Erkidearen 30/1992 Legea.

IKUSIRIK.- 2005eko uztailaren 29ko Alkatetzaren Dekretua; horren bidez Urba U.T.E. eta Jorge Lizarribar Sans-i, U-1 Sektorean, Hiritartze Proiektua onartu gabe egonda eta baimenik gabe, pabiloien eraikitze obren lanak geldiarazteko agindua eman zitzaien, derrigorrezkoa den udal lizentzia ez zeukatelako. Aipatutako lanak legeztatzekeo hilabete bateko epea eman zitzaien.

JAKINIK.- Aipatutako Dekretuaren bidez 15 eguneko epea eman zitzaiela egokitzat jotzen zituzten alegazioak egiteko eta aditzera eman zitzaiela epe hori igaro ondoren Udalak dagokion zigor-espedientea irekiko zuela.

JAKINIK.- Epea igaro dela, ez dela alegaziorik aurkeztu eta lanak egiten jarraitu dela.

AINZAT HARTURIK.- Hirigintzako arauen arabera, nahasitako ordena urbanistikoa berriro ezartzeko espedienteari dagokionez arduradunak, URBA U.T.E. enpresa, lanen sustatzaile izaki, eta baita Jorge Lizarribar Sans, Ingeniru Industrialak, lanen zuzendari izaki.

AINZAT HARTURIK.- Lurzoruaren araubide eta balorazioei buruzko apirilaren 13ko 6/1998 Legean xedatutakoa, apirilaren 9ko 1346/76 Errege Dekretuko 178. eta 184. eta hurrengo artikuluetan xedatutakoa (Lurzoruaren Araubideari eta Hiri Antolamenduari buruzko Legearen Testu Bateratua onesten duena) eta 2187/1978 Errege Dekretu bidez onetsitako Hirigintzako Diziplinari buruzko Araudian ezarritakoa.

AINZAT HARTURIK.- Apirilaren 9ko 1346/1976 Legegintzako Errege Dekretuko 184. artikuluan eta horrekin bateragarriak direnetan ezarritakoa, hain zuzen ere, Lurzoruaren

Legeari eta Hiriaren Antolamenduari buruzko Testu Bateratua onetsi zuena.

AINTZAT HARTURIK.- Lurzoruaren Araubideari eta Hiri Antolamenduari buruzko Legea garatu eta ezartzeko Hirigintza Diziplinako Araudiaren 1. eta 76. artikuluetan, hurrengoetan eta bereziki 90. artikuluan ezarritakoa. Aipatutako Araudia ekainaren 23ko 2178/78 Errege Dekretuaren bidez onetsitakoa da.

AINTZAT HARTURIK.- Euskal Autonomia Erkidegoko Herri Administrazioen zigortzeko ahalmenari buruzko otsailaren 20ko 2/1998 Legean xedatutakoa.

AINTZAT HARTURIK.- Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/92 Legearen 68. artikuluan eta ondorengoetan, eta 96.enean eta ondorengoetan xedatutakoa.

Alkate-udalburu honek, HAU ERABAKI DU:

Lehenik: Hirigintza arloan egindako arau-haustearen ondorioz zigor-espeditentea irekitzea eta arau-hauste horren arduraduntzat jotzea, URBA U.T.E. enpresa eta zuzendari teknikoa.

Horiei aditzera ematea Hirigintzako Diziplinaren Araudiko 90. artikuluan jasota dagoen zigorra ezar dakiekeela, hori guztia prozeduraren instrukziotik etor litekeenari kalterik egin gabe.

Bigarrenik: Zigor prozeduran instrukzio-egile izendatzea Ana Jesus Zabala Garmendia andrea, udalaren idazkaria.

Aditzera ematea espedientea ebazteko eskumena duen organoa udalaren alkate jauna dela, lurzoruaren araubideari eta hiri-antolamenduari buruzko premiazko neurrien martxoaren 6ko 5/1998 Legeko 11. artikuluan ezarritakoarekin bat.

Hirugarrenik: Ebazpen hau eta horren oinarritzat erabiltzen den txosten teknikoa jakinaraztea, URBA U.T.E. enpresaren ordezkariari eta JORGE LIZARRIBAR SANS jaunari. Halaber, aditzera ematea 15 egun balioduneko epea, ebazpen hau jakinarazten zaien egunetik zenbatzen hasita, izango dutela beraiek nahi dituzten alegazioak, dokumentuak eta beste edozein informazio aurkezteko, bai eta, hala badagokio, baliatu nahi dituzten bitartekoak zehaztu eta frogak proposatzeko ere.

Laugarrenik: Erabaki hauen aurka, ezin da errekurtsorik jarri, izapide hutsezko egintza baitira, interesdunek beren eskubideak defendatzeko bidezkoztat jotzen dituzten ekintzak egitearen kaltetan izan barik.

U-1 UNITATEA – UDAL ERAIKINAREN ERAIKUNTZA – 614/2005

2005eko uztailean, Jose Ignacio Galarraga- URBA U.T.E. enpresaren izenean, Lizartzako Udalarekin sinatutako akordioaren baitan, Udaletxearentzat eraiki behar duen Pabiloiaren oinarritzko proiektua aurkeztu zuen Lizartzako Udalean.

Momentuz, eta hiritaratze egitasmoa behin betikoz onartu bitartean, ezingo da eraikina burutzeko baimenik eman.

Hala ere, baimena eman ahal izateko Exekuzio egitasmoa Elkargoaren ikusonetsiarekin aurkeztu beharko da.

Eraikinak indarrean dagoen U-1 sektorari dagokion araudia betetzen du.

Aurkeztutako egitasmoari dagokionean, ondorengo atalak aldatu eta kontutan hartuko beharko direla ikusi da:

- Aurkeztutako egitasmoak ez du tarteko solairurik jasotzen. Hitzartutakoaren arabera, tarteko solairua egon beharko litzateke azalera osoaren protzentai batetan.
- Egitasmoan, "garabi-zubi" bat aipatzen da. Batzuetan 15 tn-koa dela esaten da eta beste batzuetan 5 tn-koa. Zenbatekoa da?
- Aurreikusten diren hornikuntzatan, ur zikinenezako hartunea non kokatu behar den zehaztu beharko da. Ondorengo hartuneak izango ditu eraikinak: ur edangarria, euri urak eta ur zikinak jasotzeko sarea, argindar hartunea, telefonoaren hartunea.
- Zimendutako hormigoia Ha-25 izan beharko luke. Tiki batzuetan Ha-20 izango dela aipatzen da.

Guzti hori kontutan hartuaz, Exekuzio Egitasmoa aurkeztu beharko da, goian aipatzen diren baldintzak aintzat hartuaz.

Era berean, adierazten dut, erabaki hau eskatzailearen kontrakoa edo aldekoa izan, eskubidea duela erabakiaren aurka jotzeko. Erabaki honen aurka berraztertzeko errekurtsioa jar daiteke nahi izanez gero, administrazioarekiko auzi-errekurtsioaren aurretik; beti ere, 30/1992 Legearen 116. artikulua eta hurrengoaren arabera. Horretarako, hilabete bat izango da erabaki honen jakinarazpena jaso eta biharamunetik hasita.

Hala ere, administrazioarekiko auzi-errekurtsioa zuzen-zuzenean jar daiteke, alde aurretik berraztertzeko errekurtsorik jarri gabe. Bi hilabete izango dira horretarako, dekretu honen jakinarazpena jaso eta biharamunetik hasita.

AGUA DE INSALUS S.A. – IGOKA ESPEDIENTEA – 679/2005

Herri honetako, A-5 Arean, Ur Natural Minerala eta Karbonikoaren Ontziraketa jartzeko, Agua de Insalus S.A.k egindako ikuskaritza bisita eskaeraren arabera, 2005eko azaroaren 30an, Udaleko Arkitektoak eginiko Ikuskaritza Aktaren arabera, ERABAKI DUT:

1.- Eskatzen ziren baldintza eta neurri zuzentzaileak bete direnez, Aktibitate hori baimentzea, beti ere suteen aurkako neurri hauek kontutan hartu beharko direlarik:

a.- Zenbait tokietan 15 m. baino gehiago daude hitzalgailuen artean. Era berean, zenbait kuadro elektrikoen ondoan CO2-ko itzalgailua egon beharko litzateke.

b.- Emergentsietako argiak ez ziren behar bezala pizten.

d.- Irteera ibilbidea behar bezala seinalizatu behar da.

2.- Ebazpen honen berri, Iharduera Gogaingarri, Osasunkaitz, Kaltegarri eta Arriskutsu Lurralde Batzordeari jakineraztea.

BILKURA DEIA

Idazkariak prestatutako espedienteen zerrenda ikusirik, berak lagunduta, eta Antolaketa eta Ihardutze Araudiaren 82.1 artikulua, eta arau baterakorrak, ikusirik, ERABAKI DUT:

1.- ABENDUAREN 30an, goizeko 8tarako, Bilkura Nagusirako deia luzatzea, hurrengo GAI ZERRENDAREKIN:

1.- Aurreko Bilkurako Akta irakurri eta, hala badagokio, onartzea.

- 2.- Langileen Hitzarmena.
- 3.- Aurrekontuaren Kreditu Aldaketa 2/2005.
- 4.- 2006 urterako Aurrekontu Orokorra.
- 5.- Etxez Etxeko Laguntza Zerbitzuaren Araudia.
- 6.- Alkatetza Dekretuak.
- 7.- Bestelakoak.
- 2.- Idazkariak, Udaleko zinegotziei deia egiteko, beharrezko diren tramiteak burutuko ditu, erabaki hau beteaz.

7.- BESTELAKOAK

Ez dago bestelakorik.

Eta hitzegiteko beste gairik ez dagoenez, Alkateak, Batzarra amaitutzat eman du, goizeko bederatziak direnean.